



**INSTITUTO ELECTORAL XTI' CIUDAD DE MÉXICO
(IECM)
CABIDXI**

Chu' ne gudii xtiidxa' lu dxa Concurso de Reconocimiento a Proyectos Ganadores Novedosos de la Consulta de Presupuesto Participativo 2023 y 2024, sica ná ca diidxa' caa xaguetedí':

1. Zanda chu' ne gudii xtiidxa' lu dxa ra gu'yacabe tu laa cuícabe, ca dxa dxiiña' ni chigaca':

- Ca ni gudiicabeni lu dxa consulta xti' presupuesto participativo 2023 y 2024 lu tobi tobi xtica' Unidades Territoriales xti' Ciudad de México.
- Ni gutaagu', sica ná lu ra ruyachahuicabe pa zadi'dicani ni guni dxa Comité Dictaminador, cani nuu xnezape' lu ra ruuyachahuicabe pa zadi'di lu ca xhoopa' diidxa' ca ni zeedadi': ni gaca' nacubi, ni gaca xti' bieque, guendaripa' ni nuu, guendarapa ni naquiiñe' ti ganza zácabe, gaca' nguecasi ne gualisaa guirá' ni gadxé gadxé ne guni chu' dxa guendaridagu' guirá' binni.

Dxa binni ni bizuluí' dxa dxiiña' ni chigaca' napa xidé xtiidxa' ti xiiña' ni chiguni chu' lu dxa guendaribícabe.

2. Ti ganda gu'yachahuicabe pa zadi'di' ca dxiiña' ni chigaca' zuza'cabe ti Comité Dictaminador, ca dxa binni ni nuu ladecabe nápaca xidé ga'paca' ni ma' bizacálúca' lu ca dxiiña' ni ma' bi'nica' luguiá' ca ra cayete ni napané ra chu' binni guidxi ne gudii xtiidxa' ne presupuesto participativo. Xiiñabe ndaani' dxa Comité Dictaminador za'cani dunabé cusionacabeni.

3. Chonna deca binni gulúca ca dxiiña' ni chigaca' ne laaca' bidiicabeni lu ra gulícabe ra dxa rusionacababe, zanda guicaaca ti guna zeeda runi bia' bidxichi ni dxa IECM gudii xtiidxa' runi ndi'.

4. Dxa IECM zudii chii guí'chi' ni rusionaca, ne ca ndi' zaguizicabeni sica ná xaguetedí':

- Lade ca dxiiña' ni chigaca' ca ni gulícabelu tobi tobi unidad territorial runi dxiiña' ni chigaca' lu ca iza chupa guixhiapa gande chonna ne chupa guixhiapa gande tapa, dxa Comité Dictaminador zabí ca chii ni gápaca' ca ni dunabé biyachahuicabe gudi'di' lu ca xhoopa' diidxa' ni ma' biete, ti gudiicabe guí'chi' ni risaca lu dxa guendaribícabe yannadi'.
- Ca chii dxiiña' ca ni chigaca', ca ni bidiicabeni guí'chi' ni risaca xti' guendaribidxi' zacácabe ti guí'chi' ni risaca.
- Delu ca chii dxiiña' ni chigaca' ni bidiicabeni, ca guionna ca ni nuupe xneza

biyachahuicabe zacaaca' dxa guna risaca ni maca nexhe' chahui lu dxa xigaba guionna.

- Zúnicabe ganda ti ca gui'chi' risaca qui'zicabeni lade ca ni gadxé gadxé demarcaciones territoriales xti' Ciudad de México.

5. Lu ca guendaribí lade ca dxa dxiiña' ni chigaca', ca ni chichú lu ra chitícabe zácani sica ná diidxa' zinanda ni caa xaguetedí':

- **Delu dxi tobi dera ganda dxi gande chii tobi xti' beeu xhono xti' iza chupa guixhiapa gande chonna**, ca binni ni runi dxiiña' lu ca Direcciones Distritales (DD) xti' IECM, zúnica' ti guendaruuyachahui' pa tiidicani zaniru' xti' guirá' ca dxiiña' ca ni chigaca', lu layú xti', ni bidiicabeni lu dxa Consulta xti' Presupuesto Participativo 2023 ne 2024.
- **Delu dxi tapa xti' beeu ga' xti' iza chupa guixhiapa gande chonna**, guirá' binni zanda guinaba binni runi dxiiña' lu dxa DD ni riana laa, gui'chi' ra' caa xigaba neza ca dxiiña' ni chigaca' guendaruuyachahui' pa tiidicani zaniru' ne ca ni gulícabe ti ganda cuícabe laaca' runi dxa Comité Dictaminador.
- **Delu dxi tapa dera ganda dxi xhono xti' ga' xti' iza chupa guixhiapa gande chonna**, ca binni ni biniibi ca dxiiña' ni chigaca' zanda guinabaca' ca binni ni runi dxiiña' lu dxa DD gu'yachahuica' pa xiiñaca' napa guirá' ni canabacabe ti chu'ca' lu ra chitícabe, pa cadí guihuinni lu dxa gui'chi' ra caa xigaba sica dxiiña' ni chigaca', guendaruuyachahui' pa tiidicani zaniru' ni risaca.
- Pa dxa binni ni cuniibi' cadí guicaa diidxa' ni bianaxacabe xti' guiropa guendaruuya chahui bí'nica ca dxa binni runi dxiiña' xti' dxa DD, zanda guinaba ca dxa binni ni runi dxiiña' lu dxa Dirección Ejecutiva xti' Participación Ciudadana ne Capacitación xti' IECM ni guni guionna guendaruuyachahui xti' xiiña' ni chigaca'. Ni biete gudi'didí' ra lu chupa dxi raca dxiiña' ni zeeda bizeendatiidxicabe ni bianacabe lu guiroopa' guendaruuyachahui' paca ma' bí'nicabe ra bicaacabe lu gui'chi' lu ca estrados xtica' DD ni riana laa.
- **Delu dxi chiitobi xti' beeu ga' dera ganda dxi gande chii tobi xti' beeu chii xti' iza chupa guixhiapa gande chonna**, dxa Comité Dictaminador zuuya' tu tiidí' ne zudii diidxa' xi ca dxiiña' ni chigaca', zudiicabeni xti' dxa lu guendaribí. Diidxa' ni ná dxa Comité Dictaminador zácani niisi ni ná ne quisucháni.

6. Ca chii dxiiña' ni gudiicabeni dxa ra chitícabe ni risaca ziuucani lade xti' "Banco de buenas prácticas" xtica' dxiiña' ni chigaca' xti' Presupuesto Participativo xti' Ciudad de México.

7. Ca ni bianacabe lu ra chitícabe:

- Zului'cabe lu dxa Comisión xti' Participación Ciudadana ne Capacitación lu guiropa chiigaayu' dxi xti' beeu chiitobi xti' iza chupa guixhiapa' gande chonna.

- Zului'cabeni lu gui'chi', lu yaza xti' internet xti' IECM (www.iecm.mx), lu dxa Plataforma Digital xti' Participación Ciudadana (<https://plataformaciudadana.iecm.mx>), lu ca estrados xtica' 33 DD, lu ca redes sociales xti' IECM ne lu guirá' neza sica diidxa' ni guiquiñe'.

Dxa gui'chi' ni risaca zudiicabeni ca binni ni runibi, ca ni bidiicabeni xti' ra guílcabe lu chii gaayu' dxi zaniru' xti' beeu chii chupa xti' iza chupa guixhiapa gande chonna lu ti guendaraca ra nuu xtale binni.

Ca xiixa gaca' ni cadi cayete rari', lu dxa guendaribidxi zácacani zuuyacabe chu' chahuicabeni xneza runi dxa Comisión xti' Participación Ciudadana ne Capacitación.

Dxa gui'chi' guizá' xti' Guendaribidxi' ne dxa Diidxa' sica nácabe biaana gaca' runi bidiicabe gacani, zanda guuyachahuicabenise lu:

<https://www.iecm.mx/www/taip/cg/acu/2023/IECM-ACU-CG-008-2023.pdf>